

40. Ipse in illius urbis ædes regias ingressus, veluti vir amans in cor amatae, aliis urbis domibus comites suos, pro sua quemque dignitate, honoravit.

41. Ipsa urbs, equis in stabulis stantibus, elephantis ad palos in atriis ordine fixos alligatis, mercibusque in foro prostantibus, apparebat veluti mulier, in cujus singulis membris ornamenta splendent.

42. KUSAS, habitans in hac RAGHUIDARUM habitatione, ad pristinum splendorem restituta, neque INDRÆ, cœli gubernatori, neque KUVERÆ, Alakæ urbis domino, invadebat.

43. Tum advenit æstas, suadens quasi illius puellis amatis, se ornare veste gemmis distincta, torque in pectus candidissimum usque dependente, atque tunica quæ vel suspirio auferri poterat.

44. Cum sol fulgens e via, quæ AGASTYÆ stella insignis est, propius aggressus esset, regio septentrionalis flumina nivea misit ab *Himavante*, veluti lacrymarum imbrem præ gaudio frigidum.

45. Diei æstus valde auctus erat, atque nox admodum tenuis. Ambo erant sicut uxor et maritus, qui post rixam separati pœnitentia uruntur.

46. Lacuum in ædibus aqua, in diem scalarum gradus, plantis aquaticis tectos, deorsum ulterius relinquens, atque lotis tecta, quarum caules prominebant, feminarum lateribus similis evasit.

47. In *mallikarum* vespertinarum sylvis apes, in singulis calycibus, expansione sua odorem spargentibus, pedes deponens, susurrans computationem eorum facere videbatur.

48. *Sirîshæ* flos, etiamsi de feminarum aure delapsus, non subito cadebat in terram, sed foliis suis arcte adhærebat genæ, quæ recens unguium vulnus, sudore tectum, quasi notam gerebat.

49. Viri opulenti æstum evitabant in ædibus, machinis aquariis instructis, recubantes in lectis saxeis, qui frigidis aquæ fluminibus arte adductis circumfluebantur, atque *santali* succo irrigabantur.

50. Amor, vigore post veris discessum exhausto, novas vires colligebat in feminarum capillis, qui post balneum madidi dependebant, atque post unctionem *mallikis* vespertinis ornati erant.

51. Longus *arjunæ* arboris surculus, pulvere adhærente canus, splen-